

يا عزيز الهادي
أصب دمعي عالقبر

من يباري لضعون
جيت من بعد الأسر



والقلب مملئ نوايب
ويمسح ادموع السواجب
والوجد مكسور ذايب
حنت إل أغلى الحبايب

عود العاشر عليها
آه من ينهض إليها
وشعظم حزن اللي بيها
ردت اتعاين وليها

بالأربعين
أي واحسين

مقبله لضعون
والقلب محزون

مرمروني يا هلي
بلكي ينهض لي الولي
قوم باري محملي
آني زينب بت علي

آه من آه السبي
جيت أشكي معتبي
يبن أمي وأبي
حسين يا سبط النبي

أصب دمعي عالقبر

جيت وقلبي منكسر

عالمح راسك بهضني
طيف ما فارقها عيني
تمشي لضعون ابحنيني
كربله سلبت سنييني

روحي رفعوها ويه راسك
هالشمر يوم اللي داسك
عالعواسل أغلى ناسك
يا عضيدي وينه باسك

راجعه بلحزان
أنتخي لخوان

بالأربعين
أي واحسين

يا عزيز المصطفى
والسبي اشلون أوصفه
جفني دامي ما غفه
آه يا أهل الوفه

عاشر ابقلبي سهم
وراسك إقبالي نجم
وقلبي يتلوّه ألم
أنسبي ابوليّة زلم

عاشر ابقلبي جمر

أصب دمعي عالقبر

على دربيج يا عقيله
كل محب أعلن رحيله
يمشي انهاره ويه ليله
لن أبو اليمه الوسيله

كل جهات الأربعه
على ذكرى الفاجعه
ابشوقه عينه دامعه
ويمّنه روعي وادعه

نمشي لك ازخوف
إملتقى لطفوف

بالأربعين
أي واحسين

آني زينب لي عتب
وحدي بالشام أنتحب
آيزاير لي طلب
قلّله خيتك تنضرب

على زوّار الحبيب
حسين جرحه ما يطيب
من توصل للغريب
وانتخت ما من مجيب

آه من آه الأسر

أصب دمعي عالقبر

قوم يا صاحب الرايه
ابصدره آلام ورزايله
ضامي وابقلبه شكايه
وانفجع سيد البرايه

إلصاحب الراس القطيع
امؤسد ابصدره الرضيع
وصلت لرض البقيع
جده الهادي الشفيع

صرخه يا مظلوم
والعزه هاليوم

بالأربعين
أي واحسين

رايتك يا المنتظر
بيك آيات الظفر
إلك ثارات الطهر
والصبر يصبح ثمر

يا لثارات الحسين
تشفي آلام السنين
كربله وبدر وحنين
يا وعد طه الأمين

ما بقى ابقلبي صبر

أصب دمعي عالقبر